

宋蜀刻本唐人集叢刊

昌黎先生集



宋蜀刻本唐人集叢刊

昌黎先生文集

顧廷龍題



二



〔唐〕韓愈撰

昌黎先生文集

顧廷龍題



昌黎先生文集卷第九

律詩凡八十五首

門人李

漢編

題楚昭王廟

丘園滿目衣冠盡
城闕連雲草樹荒
猶有國人懷舊德
一間茅屋祭昭王

宿龍宮灘

浩浩復湯湯
灘聲柳更揚
奔流疑激電
驚浪似浮霜
夢覺燈生暈
宵殘雨送涼
如何連曉語
祇是說家鄉

是思鄉

叉魚招張功曹

叉魚春岸闊
此興在中宵
大炬燧如晝
長舡縛似槁
深窺沙可數
靜榜水無搖
刃一作手下那能脫
波間或自跳

中鱗憐錦碎當目訝珠銷迷火逃翻近驚人去暫一作
遙競多心轉細得雋語時囂潭罄知存寡舲平竟獲饒
交頭疑湊餌駢首類同條濡沫情雖蜜登門事一作已
遼盈車欺故事飼犬驗今朝血浪凝猶沸腥風遠更飄
蓋江煙冪冪拂棹影寥寥懶去愁無食龍移懼見燒如
棠名既誤釣渭日徒消文客驚先賦篙工喜盡謠膾成
思我友觀樂憶吾僚自可捐憂累何須強問鴉

李真外寄紙筆

題是臨池後分從起草餘兔尖針莫並繭淨雪難如莫
怪那勤謝虞卿正著書

次巫冠峽

今日是何朝天晴物色饒落英千尺墮遊絲百丈飄泄

乳交巖脉懸流揭浪標無心思嶺北猿鳥莫相撩

荅張十一功曹

山淨江空水見沙哀猿啼處兩三家
篔簹競長纖纖笋躑躅初開艷艷花
未報恩波知死所莫令炎瘴送生涯
吟君詩罷看雙鬢斗覺霜毛一半加

郴州祈雨

乞雨女郎魂魚羞潔且繁廟開鼯鼠叫
神降越巫言旱氣期銷蕩陰官想駿奔
行看五馬入蕭颯已隨軒

湘中酬張十一功曹

休垂絕一作越傲千行淚共泛清湘
一棹舟今日嶺猿兼越鳥可憐同聽不知愁

郴口又贈二首

山作劍攢江瀉鏡扁舟斗轉疾於飛迴頭笑向張公子
終日思歸此日歸

雲颭霜翻看不分雷驚電激語難聞
公崖宛轉到深處何限青天無片雲

題木居士二首

火透波穿不計春根如頭面幹如身偶然題作木居士
便有無窮求福人

爲神詎比溝中斷遇賞還同蹶下餘朽蠹不勝刀鋸力
匠人雖巧欲何如

晚泊江口

郡城朝解纜江岸暮依村二女竹上渡孤臣水底魂雙
雙歸鰲鷺一一叫群猿迴首那能聞一作語空看別袖翻

湘中

猿愁魚踊水翻波自古流傳是汨羅蘋藻滿盤無處奠
空聞漁父扣舟歌

別盈上人

山僧愛山出無期俗士牽俗來何時祝融峯下一回首
即是此生長別離

喜雪獻裴尚書

宿雲寒不卷春雪墮如筵騁巧先投隙潛光亂入池喜
深將策杖驚密仰簷窺自下何曾汚增高未見危比心
明可燭拂面愛還吹妬舞時飄袖欺梅併壓枝地空迷
界限砌滿接高卑浩蕩乾坤合霏微物象移為一作祥
矜大熟一作匝一作澤荷平施已分年華晚猶憐曙色隨氣

嚴當酒暖一作灑急聽窻知照耀臨初日玲瓏滴晚澌
 聚庭看嶽聳掃路見雲披陣勢魚麗遠書文鳥篆竒縱
 歡羅艷黠列賀擁熊螭履弊行偏冷門扃卧更羸悲嘶
 聞病馬浪走信嬌兒竈靜愁煙絕絲繁念殯衰擬塩吟
 舊句授簡慕前規捧贈同燕石夕慙失所宜

春雪

觀一作看雪乘清旦無人獨坐謠拂花輕尚起落地
密作半暖初銷已訝凌歌扇還來伴舞腰灑篁笛密節著柳送
 長條入鏡鸞窺沼行天馬度橋徧塔憐可掬滿樹戲成
 搖江浪迎濤日風毛縱獵朝弄閑時細轉爭急恐驚飄
 城險疑懸布砧寒未搗綃莫愁陰景促夜色一作自相饒

聞梨花發贈劉師命

桃蹊惆悵不能過紅艷紛紛落地多聞道郭西千樹雪
欲將君去醉如何

春雪間映作早梅

梅將雪共春彩艷不相因逐吹能生密排枝巧妬新誰
令香滿座獨使淨無塵芳意饒呈瑞寒光助照人玲瓏
開已徧點綴坐來頻那是俱疑似須知兩逼真熒煌初
亂眼浩蕩忽迷神未許瓊華比從將玉樹親先期迎獻
歲更伴占茲晨願得長輝映輕微敢自珍

梨花下贈劉師命

洛陽城外清明節百花寥落梨花發今日相逢瘴海頭
共驚爛熳開正月

和歸工部送僧約

早知皆是自拘囚，不學因循到白頭。
汝既出家還擾擾，何人更向死前休。

入閔詠馬

歲老豈能充上駟，力微當自慎前程。
不知何故翻驤首，牽過閔門忘一作一鳴。

早春雪中聞鶯

朝鶯雪裏新雪樹，眼前春帶澁先迎。
氣侵寒已報人共，矜初聽早誰貴。
後開頻暫轉，那成曲孤鳴。豈及晨風霜，徒自保桃李。
詎相親，寄謝幽棲友，辛勤不為身。

木芙蓉

新開寒露叢，遠比水邊紅。艷色寧相妬，嘉名偶自同。
秋江官渡晚，寒木古祠空。一作晚 牽一作木古一作秋一作 節一作 須勤勤來者，無

令使逐風

題張十一旅舍三詠

蓋張署南遷時

榴花

五月榴花照眼明
枝間時見子初成
可憐此地無車馬
顛倒青苔落絳英

井

賈誼宅中今始見
葛洪山下昔曾窺
寒泉百尺空看影
正是行人暍死時

賈誼宅在湘州

蒲萄

新莖未徧半猶枯
高架交離倒後扶
若君一作君欲滿盤堆
馬乳莫辭添竹引龍鬚

峽石西泉

居然鱗介不能容石眼環環水一鍾聞說旱時求得兩
祇疑科斗是蛟龍

涼國惠康公主挽歌二首

憲宗長女嫁于
頓之子季友

定謚芳聲遠移封大國新巽宮尊長女台室屬良人河
漢重泉夜梧桐半樹春龍輜非厭翟還輶禁城塵

又

秦地吹簫女湘波鼓瑟妃佩蘭初應夢奔月競淪輝夫
族迎魂去宮官會葬歸從今沁園草無復更芳菲

和崔舍人詠月二十韻

羣

三秋端正月今夜出東溟對日猶分勢騰天漸吐靈未
高蒸遠氣半上霽孤形赫奕當躔次虛徐度杳冥長河
晴散霧列宿曙分螢浩蕩英華溢蕭疎物象冷池邊臨

倒照簷際送橫經花樹參差見臯禽斷續聆牖光窺寂
寞砧影伴娉婷幽坐看侵戶閑吟愛滿庭輝斜通壁練
彩碎射沙星清潔雲間路空涼水上亭淨堪分頤兔細
得數飄萍山翠相疑綠林煙共暮青過隅驚桂側當午
覺輪停屬思搗霞錦追歡罄縹緲郡樓何處望隴笛此
時聽右掖連台座重門限禁扃風臺觀沈淥水砌步青
熒獨有虞庠咨無由拾落莫

詠雪贈張籍

祇見縱橫落寧知遠近來飄飄還自弄歷亂竟誰催座
暖銷那怪池清失可猜坳中初蓋底垤處遂成堆漫有
先居後輕多去却迴度前鋪瓦隴奔發積墻隈穿細時
雙透乘危忽半摧舞深逢坎井集早值層臺砧練終互

擣指紉未暇裁城寒粧睥睨樹凍裏莓苔片片勻如剪
紛紛碎若按定非尋鷓鷯真是屑瓊瓌緯繡觀朝臺冥
茫矚晚埃當葱一作怕凜凜出戶即皚皚壓野榮芝菌
傾都委負財娥嬉華蕩漾肯怒浪崔嵬磧迥疑浮地雲
平想輟雷隨車翻縞帶逐馬散銀盃萬屋漫汗合千株
照耀開松篁遭挫抑糞壤獲饒培隔絕門庭遽擠排陞
級纜豈堪禪岳鎮強欲効塩梅隱匿瑕疵盡包羅委瑣
該誤鷄霄哢墜鷲雀暗徘徊浩浩過三暮悠悠匝九垓
鯨鯢陸死骨玉石火炎灰厚慮填溟壑高愁撒斗魁日
輪理欲側坤軸壓將頽岸類一作長蛇攪陵猶巨象
水官誇傑黠木氣怯胚胎著地無由卷連天不易推龍
魚冷蟄苦虎豹餓號哀巧借奢豪便專繩困約灾威負

凌布被光肯離一作離金壘賞翫捐他事歌謠放我才任
教詩磔硯興與酒毡摠惟子能諳耳諸人得語哉助留
風作黨勸坐火為媒雕刻文刀利搜求智網恢莫煩相
囑和傳示及穉孩

酬王二十舍人雪中見寄

三日柴門擁不開
堦平庭滿白皚皚
今朝躡作瓊瑤跡
為有詩仙一作仙從鳳侶來

送侯喜

已作龍鍾後時者
懶於街裏蹋塵埃
如今便別官長去
直到新年衙日來

學諸進士作精衛啣石填海

鳥有償冤者
終年抱寸誠
口啣山石細
心望海波平
渺

渺功難見區區命已輕人皆譏造次我獨賞專精豈計
休無日惟應盡此生何慙刺史傳不著報讎名

酬振武胡十二大夫

傾朝共羨寵光頻半歲遷騰作虎臣弩矢前驅煩縣令

一云戎旆
停辭社樹

里門先下敬鄉人橫飛玉醜家山曉遠蹠

金珂塞草春自笑平生誇膽氣不離文字躋毛新

和庫部盧四兄曹長元日朝迴

天仗宵嚴建羽旄春雲送色曉鷄號金爐香動螭頭暗

玉珮聲來雉尾高戎服上趨承北極儒冠列侍映東曹

太平時節身難遇郎署何須嘆二毛

寒食直歸遇雨

寒食時看度春遊事已滿風光連日直陰雨半朝歸不